

Broj: 01-2-1200/23

Datum: 4.9.2023. godine

## ZAPISNIK

**Sa 19.(devetnaeste) redovne sjednice Nadzornog odbora JU Biblioteka Sarajeva održane dana 31.8.2023.godine (četvrtak), sa početkom rada u 15:00 sati.**

Sjednicu je otvorio i istom predsjedavao Senad Cvrk, predsjednik Nadzornog odbora, konstatujući prisutnost članova Nadzornog odbora u sastavu:

- Senad Cvrk, predsjednik Nadzornog odbora JU Biblioteka Sarajeva
- Vildan Hadžihasanović, član Nadzornog odbora JU Biblioteka Sarajeva
- Selma Dalipagić, članica Nadzornog odbora ispred kolektiva

Sjednici prisustvuje direktorica JU Biblioteka Sarajeva Merima Lendo i Edhem Kurtić voditelj Službe za ekonomsko-finansijske i opće poslove.

Zapisnik vodi Azra Šabanić, tehnički sekretar.

Nakon što su utvrđene zakonske prepostavke za efikasan rad i odlučivanje na sjednici, predsjednik Nadzornog odbora je predloženi Dnevni red dao na razmatranje i utvrđivanje kako slijedi:

1. Usvajanje Dnevnog reda;
2. Usvajanje Zapisnika sa 18. redovne sjednice Nadzornog odbora JU Biblioteka Sarajeva;  
**Prilog: Zapisnik sa 18.redovne sjednice Nadzornog odbora;**
3. Informacija o Budžetskim instrukcijama broj 2.(Zahtjev za dodijelu sredstava iz Budžeta za 2024. godinu);
4. Informacija o Pravilniku o korištenju vlastitih javnih prihoda u JU Biblioteka Sarajeva;  
**Prilog: Pravilnik o korištenju vlastitih javnih prihoda u JU Biblioteka Sarajeva;**
5. Razno.

**Ad. 1**

Predloženi Dnevni red je jednoglasno usvojen.

**Ad.2**

Zapisnik sa 18. redovne sjednice Nadzornog odbora JU Biblioteka Sarajeva je jednoglasno usvojen.

**Ad.3**

Kao izvjestilac po pitanju treće tačke Dnevnog reda voditelj Službe za ekonomsko-finansijske i opće poslove Edhem Kurtić, obrazlaže kako je Bužet u odnosu na 2023. godine limitiran za iznos od 50.000,00KM, tj. manji je za pomenuti iznos.

Po trenutnom stanju JU Biblioteka Sarajeva ima 48 uposlenika sa Ugovorom na neodređeno vrijeme, a po projekcijama koje su izrađene, otprilike koliko je planirano za bruto plate postoji prostor za još dva uposlenika. Novina u ovome dijelu je povećanje cijene zakupa Centra za djecu i omladinu, od kojeg iznajmljujemo prostor, cca 50%, tako da će biti potrebna dodatna sredstva. Novina je i osiguranje novokupljenog automobila, kasko osiguranje. Dodatna sredstva se vezuju za pozicije kao i prošle godine, planirano je sedam radnih mjesta. Tražen je iznos od 246.000,00KM ukupno na dodatnim pozicijama. Novina su i vlastiti prihodi, uvršten je iznos od 112,00,00KM, koji proizilazi iz članarina, potencijalnih izdavanja, marketinga, a pomenuti iznos je uvršten u budžet.

**Treća tačka Dnevnog reda primljena k znanju.****Ad.4**

Kao izvjestilac po pitanju četvrte tačke Dnevnog reda, usvajanje Pravilnika o korištenju vlastitih javnih prihoda JU Biblioteka Sarajeva, Edhem Kurtić, voditelj Službe za ekonomsko – finansijske i opće poslove, navodi da nakon donesene uredbe po kojoj sva novčana sredstva što biblioteka ostvari kroz obavljanje svoje osnovne djelatnosti, predstavlja javni prihod Kantona Sarajevo tako da Ustanova nije mogla raspolagati sa pomenutim sredstvima. Nakon što je Biblioteka zvanično dobila instrukcije za izradu Pravilnika, u odnosu na Pravilnik koji je na nivou Federacije, poslije izrade pomenuti se dostavlja Ministarstvu finansija, a nakon što dobijemo pozitivno mišljenje isti treba dostaviti na Vladu na usvajanje. Po instrukcijama traženo je da se naznači kako će se utrošiti sredstva od vlastitih prihoda, namjena prihoda. Pravilnikom je obuhvaćeno cca 80% prihoda koji bi se mogli realizovati u budućnosti. Nakon što Pravilnik prođe kompletну proceduru, onda će se izvršiti korekcije i izmjene cjenovnika. Na dalje navodi, da su u Pravilniku pobrojane vrste prihoda koje bi eventualno mogla ostvarivati, a to su prihodi od usluga i prihodi od iznajmljivanja.

#### **Četvrta tačka Dnevnog reda primljen ak znanju.**

##### **Ad.5**

Pod tačkom Razno direktorica JU Biblioteka Sarajeva Merima Lendo, informiše prisutne članove za prekid saradnje sa Goethe institutom, a koja je bila definisana ugovorom koji je potpisana 1996. godine, pa tako je Biblioteka realizovala rad Njemačke čitaonice godinama unazad. Razlog za prekid saradnje je osnivanje vlastite biblioteke Goethe instituta. Njihov zahtjev je bio da do 30.6.2023. godine Biblioteka ukloni sve znakove Goethe instituta. Raskid ugovora je išao u povoljnem pravcu za Biblioteku, jer je sva građa i mobilijar koji se nalazio u Njemačkoj čitaonici ostao u vlasništvu Biblioteka.

Zaključak je da ostaje dio koji u sklopu odjeljena Čumurija JU Biblioteka Sarajeva koji će djelovati sa navedenom građom na Njemačkom jeziku. Na dalje će se oformiti komisija za reviziju fonda i morat će se napraviti izmjena cijenovnika s obzirom da je članarina za Njemačku čitaonicu iznosila 20.00,00KM. Cjenovnik moramo prilagoditi novom Pravilniku koji je prezentovan na ranijoj tački. Također je na stručnom kolegiju usaglašeno da se članarina za korisnike bibliotečkih usluga poveća sa iznosa od 15.00,00KM na iznos od 20.00,00KM, s tim da navedena novina stupa na snagu od 1.1.2024. godine, s obzirom na transfere Općina koji su još aktuelni. Informacija vezana za Zavod za zapošljavanje i njihov program „Posao za sve“ na osnovu kojeg je Biblioteka uposlila jednog bibliotekara na period od šest mjeseci, zatim dva pripravnika, dvije spremičice, a konkursala za još četiri uposlenika.

#### **Peta tačka Dnevnog reda primljena k znanju.**

#### **ZAKLJUČCI:**

- **Jednoglasno usvojen predloženi Dnevni red;**
- **Zapisnik sa 18. redovne sjednice Nadzornog odbora JU Biblioteka Sarajeva, jednoglasno usvojen;**
- **Informacija o Budžetskim instrukcijama broj 2.(Zahtjev za dodjelu sredstava iz Budžeta za 2024. godinu), pojašnjena od strane Kurtić Edhema voditelja Službe za ekonomsko-finansijske poslove, te primljena k znanju;**
- **Pravilnika o korištenju vlastitih javnih prihoda JU Biblioteka Sarajeva, izrađen prema instrukcijama, proslijeđen Ministarstvu finansija a nakon što dobijemo pozitivno mišljenje isti treba dostaviti na Vladu na usvajanje.**
- **Pod tačkom Razno informacije od stane direktorice JU Biblioteka Sarajeva Merime Lendo, pa tako prva se vezuje za prekid saradnje sa Goethe institutom, a druga za**

**zaposlenje jednog bibliotekara na period od šest mjeseci preko programa Zavoda za zapošljavanje „ Posao za sve“, kao i to da je Biblioteka po pomenutom programu konkursala za još četiri uposlenika, a u sklopu drugih kategorija zaposlila i dva pripravnika.**


Sjednica je zavšena u 15:35, sati.

Zapisničar



Azra Šabanić

Predsjednik Nadzornog odbora



Senad Cvrk